

SCRIPT OF EVENING GOJRI NEWS BULLETIN 10SEP 1700 HRS

ایونینگ گو جری نیوز بلیٹن مورخہ 10 ستمبر 2025

یوہ آکا شوانی جموں ہے نصرت چوہدری تے محمد اکرم تیں خبر سُنو۔

HEADLINES

- ۱۔ وزیر اعلیٰ عمر عبداللہ نے کہیو کہ زراعت جموں کشمیر غی معاشی بُنیاد ہے تے حکومت کساناں نانہہ باختیار بنان واسطے پُر عزم ہے۔
- ۲۔ ریلوے غا مرکزی وزیر اشونی ویشنو نے جموں مانہہ سیلاب متاثرہ علاقن غی مدد واسطے خصوصی ریل خدمات نانہہ سہرایو۔
- ۳۔ وزیر سستیش شرما نے ضروری اشیاء غی فراہمی تے نقل و حمل غی صورتحال بارے جائز و لیو تے روزانہ 400 ٹرکاں غی تعیناتی نانہہ یقینی بنایو۔
- ۴۔ چیف سیکرٹری نے جموں کشمیر مانہہ صحت غا بنیادی ٹھانچہ نانہہ مضبوط بنان واسطے صحت بارے مرکزی سیکرٹری غے نال تبادلہ خیال کیو۔
- ۵۔ جموں سرینگر قومی شاہراہ جُز وی طورور کھول دتی گئی ہے جت چھوٹی گڈیاں نانہہ چلن غی اجزت دے دتی گئی ہے تے مکمل بحالی غو کم اجیں جاری ہے۔

CM AGRICULTURE

وزیر اعلیٰ عمر عبداللہ نے حکومت غا زراعت غا شعبہ نانہہ مضبوط بنان غا عزم ناہ دوباریو اُنہاں نے کہیو کہ زراعت جموں کشمیر غی معشیت غی ترقی غی بُنیاد ہے ت پورا ملک واسطے ایک اچھی مثال بنتی جارہی ہے یاہ گل اُنہاں نے اُس وقت کہی جد جامع زرعی ترقیاتی منصوبہ غی اعلیٰ کمیٹی غا سربراہ معروف زرعی ماہر ڈاکٹر منگلا رائے وزیر اعلیٰ تیں ملاقات کر غے پروگرام غی پیش رفت بارے آگاہ کرارہیا تھا وزیر اعلیٰ نے کساناں نانہہ جدید زرعی آلات قرضہ تکنیک تے ہزاراں توڑی آسان رسائی فراہم کرن ور زورن دتو تانجے پیداوار مانہہ اضافو وے تے زراعت غے نال دیگر متعلقہ شعبہ پائیداد ترقی غی راہ ور گامزن وین۔

CM DELEGATIONS

اس دوران جموں کشمیر غا وزیر اعلیٰ عمر عبداللہ غا رابطہ دفتر مانہہ کئی وفود ت یافارد نے ملاقات کی تانجے بکھ بکھ عوامی تے ترقیاتی مسائل نانہہ چایو جاسکے ممتاز کشمیری لوک فنکاراں گو ایک وفد جس مانہہ استاد عبداللہ حفیظ وحید جیلانی، گلزار گانی تے منیر میر شامل تھا۔ وفد نے فنکاراں برادری نانہہ درپیش دیرینہ مشکلات ور لوکھلی تے سرکار سنگ تعاون کی ضرورت ور زور دتو اس تیں علاوہ باقی وفود تے افسر نے وی اپنا علاقن بارے خدشات گو اظہار کیو اس سلسلہ مانہہ وزیر اعلیٰ نے یقین دویو کہ تمام مسائل متعلقہ محکمان سنگ چایا جائیں غا۔

RAILWAYS MINISTER TRAINS

ریلوے غا مرکزی وزیر اشونی ویشنو نے کہیو کہ سیلاب متاثرہ واسطے ریل حالیہ وقت مانہہ کم کر رہی ہے تانجے جموں مانہہ سیلاب متاثری علاقن توڑی مدد پُجائی جاسکے یاہ خصوصی ریل ضروری امدادی سامان پُجان تے پھیسہ مسافراں نانہہ

محفوظ طریقہ سنگ منتقل کرن بارے کم کر رہی ہے ان علاقہ مانہہ گنڈا، ریاسی، بکل، ڈوگا، سوال کوٹ تے سنگل دان شامل ہیں۔ وزیر نے ریلوے گا فوری تے موثر رد عمل غی وی تعریف کی تانجے متاثرہ لوکاں نانہہ وقت ور مدد پجانی جاکسے۔

SATISH

خوارک تے امور صارفین غا وزیر ستیش شرما نے جموں کشمیر مانہہ ضروری اشیاء غی فراہمی تے نقل و حمل غو جائیزولین واسطے ایک اعلیٰ سطحی میٹنگ غی صدارت کی حکام نے دسیو کہ روزانہ 400 کونٹل تیں زیادہ غی ضروری اشیاء منتقل کرے وزیر نے خاص طور ور خراب موسم مانہہ بروقت فراہمی ورزور دو تے تمام محکمان نانہہ ہدایت دتی کہ آخری منزل توڑی اشیاء غی ترسیل واسط قریبی رابطو رکھیو جے انہاں نے دور دراز علاقہ مانہہ زیادہ مقدار مانہہ سامان رکھن غی ہدایت دتی تے آمدرفت بارے عملہ غی محنت غی تعریف کی حکومت کھان غی اشیاء غی فراہمی تے متاثرہ علاقہ مانہہ بغیر کسی خلل غے ضروریات غی دستیابی نانہہ یقینی بنان واسط پُر عزم ہے۔

REASI SPL TEAMS

ضلع انتظامیہ ریاسی نے ہالیہ سخت بارشاں سنگ ہوا برا پیمانہ ور نقصان غا سلسلہ مانہہ گھراں فصلاں سڑکاں تے ضروری خدمات گا نقصان گو جائیزولین خاطر خصوصی ٹیم تعینات کی ہیں خاص محکمان گا آفسراں ور مستمل ٹیم اداراں سنگ مل غے کم کر رہی ہیں تاکہ بروقت امداد تے معاوضہ واسطے دستاویزات تیار کی جائے بجلی پانی غی فراہمی تے سڑکاں کی بحالی گو کام جنگی پیمانہ ور کی و جارہی وے اس تیں علاوہ طبعی ٹیم وی چوکس ہیں شہریاں سنگ گزارش ہے کہ وہ نقصانات کی اطلاع دیں تے حفاظتی مشورہ ور عمل کریں۔ انتظامیہ نے متاثرہ خانداناں کی بحالی واسطے مکمل یقین دہانی کرائی ہے۔

CS HEALTH CARE

چیف سیکرٹری اٹل ڈلو نے اج جموں کشمیر مانہہ صحت غا بنیادی ڈھانچہ نانہہ مضبوط بنان غا طریقہ تلاش کرن خاطر مرکزی صحت سیکرٹری پونیا سلیلا شری وٹس سنگ ایک بڑی میٹنگ کی۔ انہاں نے ایم بی بی ایس غی تعداد مانہہ اظافہ ور اظہار خصوصہ کورساں نانہہ متعارف کران تے طبعی کالجاں مانہہ نشستیں نانہہ بدھان خاطر تعاون طلب کیو میٹنگ مانہہ ایمز آوانتیپورہ کی ویلے سر تکمیل تے ایمز جموں کی توسیع ور وی تبادلہ خیال کیو گیو۔ مرکز کی طرفوں چلایا جان آلا صحت کماں کی پیش رفت تے سرکاری طبعی کالجاں مانہہ دیکھ بھال نانہہ بہتر بنان گو وی جائیزو لیو گیو۔ اس سلسلہ مانہہ مرکزی صحت سیکرٹری نے تمام خاص تجاویز ور پورو تعاون تے ویلے سر کاروانی گو یقین دتو۔

UDYAM YUVA FEST

جموں کشمیر حکومت اڈہیم یوا فیسٹ 27 ستمبر نانہہ مشن یووا غے تحت تما پالی ٹیکنک کالجاں مانہہ منعقد کریگی۔ اس فیسٹ گو موضوع ہے جت نوا خیلاتا تے جدید اختراعات مل غے کجھ نوو تے کارآمد بناویں یاہ تقریب نوجواناں مانہہ تخلیقی سوچ

تے تنقیدی سوچ نانہ بدھان واسطے منعقد کی وجاریو ہے اس مانہ چھوٹا سوال جواب غا مقابلہ مضمون نویسی، تقریری تے تصویری مقابلہ شامل وین غا جتن آلا نانہ 5 ہزار توڑی غو نقصد انعام دتو جے غو یاہ پہل حکومت غی نوجوانان مانہ جدت نانہ فروغ دین تے نوجوان ہنر نانہ سامنے لیان غی ایک کوشش غو حصو ہے۔

GST REFORMS EDUCATION

جموں کشمیر بھر غا رہائشیاں نے حکومت غی جانب تیں حال ہی مانہ جی ایس ٹی غی شرھاں مانہ کمی بارے کوشی غو اظہار کیو ہے اج ہم تعلیمی شعبہ مانہ کی گئی اصلاحت ور نظر کہلین غا اس مہینہ غی 22 تاریخ تیں مختلف قسم غی سٹیشنری چیزاں ور جی ایس ٹی غی شرح 12 فی صد تیں کہٹ ہو غے 5 فی صد ہو جے غی۔ اس مانہ پنسل ، شراپنر، کریان، ایسانیز بُک، گراف پُک، میپ تے چارٹ شامل ہیں جد کہ متان آلا ربر ور جی ایس ٹی شرح 5 فی صد تیں بتا غے ختم کردتی گئی ہے اس چھوٹ تیں طلباء گا تعلیمی خرچہ مانہ کمی آوے غی خاص طور ور سرکاری تے دیہی علاقان غا سکولان مانہ پڑھن آلاں بچہ واسطے یوہ تعلیمی سامان سستو ہوجے غو آکاشوانی غا خبراں آلا شعبہ سنگ گل کرتا واں کُجھ والدین نے اس قدم نانہ سہراتا واں اس طرح کہیو۔

HIGHWAY

جموں سرینگر قومی شاہراہ غا ادھمپور تھرڑ گے قریب پہاری پسی پے گئی جس سنگ سڑک بند ہوئی حکام کُج ایک ملبا نانہ بتان تے رستہ نانہ جُزوی طور ور کھولن مانہ کامیاب ہو گیا ہیں بھارتیہ قومی سڑک حکام نے یقین دہانی کرائی کہ سڑک گی مکمل بحالی گو کم چل رہیو ہے تے آن آلا چند تہاڑاں مانہ سڑک نانہ بحال کوی جے گو اجیں جموں تے سرینگر گے بشکار صرف لوہکی گڈیاں نانہ چلن گی اجازت ہے جس سنگ مسافراں واسطے ضروری سامان خاطر بڑی راحت لبی ہے۔

MUNICIPAL CMT POONCH

میونسپل کمیٹی پونچھ نے صفائی تے قانون غی پابندی واسطے برو قدم چایو بس اڈہ ہزار غا علاقہ مانہ غیر قانونی قبضو ختم کرن تے مومی لفافہ ور روک لان غی مہم چلائی میونسپل کمیٹی پونچھ گا سی ای او خلیل بانڈے غی قیادت مانہ ٹیم نے چار کلو تیں زیادہ مومی لفافہ غا بیگ برآمد کیا تے کئی غیر قانونی قبضہ ختم کیا جارواں غے دوران متعدد خلاف ورزیاں کرن آلاں نانہ جرمانو کیو گیو کمیٹی نے دُکانداراں تے ریڑی آلاں نانہ آئیندہ خلاف ورزی نہ کرن غی ہدایت کی تے عوام تیں تعاون کرن غی اپیل کی۔

PTC

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر

تسلیم شدہ یونیورسٹی تین گرجویشن غے ہمراہ 2 براں غو صحافت مانہ تجربو مقرر کیو گیو
بے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا
کورج مانہ تجربو وی ضروری بے۔ عارضی نامہ نگار غی پوسٹ مانہ دلچسپی رکھن آلا
امیدوار واسطے لازمی بے جے ضلع صدر دفتر جموں یا اس تیں 10 کلو میٹر غادائرہ غے
اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے
ہمراہ ہیڈ ریجنل نیوز یونٹ آکاشوانی پنچترتھی جموں مانہ بزات خود
آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ
www.newsonair.gov.in بے۔
